

**Amar lamba. 35 rep.**

**Anshaxa wax kala iibsiga lacagaha qalaad iyo xiriirkha ganacsi ee wadamada shisheeye.**

## **MAAMULKA WALAAYADA TALYAANIGA EE SOOMAALIYA**

### **MAAMULKA**

Markuu arkay sharciga 3 Febraayo 1950, lamba. 12;

Markuu arkay dekreetada Madaxweynaha Jamhuuriyadda ee ku taariikhaysan 31 Maarsو 1950;

Markuu arkay Baaqa lamba. 4 ee 1949, oo laxiriira xakameynta isdhaafsiga;

Markuu tixgeliyey baahida loo qabo in wax laga beddolo Baaqaan kor ku xusan, ee la xiriira soo saarista lacagta cusub ee «Soomaaliga», si loo habeeyo howlaha sarifka lacagaha qalaad iyo wax kasta oo ku saabsan xiriirkha ganacsi ee wadamada shisheeye;

Markuu garwaaqsday awoodda maamul ee la siiyay;

### **Wuxuu Amaraya**

#### **Qod. 1**

Anshaxa ka jira Soomaaliya ee ku saabsan macaamilka sarrifka lacagaha qalaad iyo wax kasta oo kale oo la xiriira xiriirkha ganacsiga lala leeyahay wadamada shisheeye waxaa loo awoodsiiyay Xafiiska Sarrifka ee Lacagaha Qalaad iyo Ganacsiga Dibadda.

#### **Qod. 2**

Si loo hawlaliyo howlaha sarifka lacagaha qalaad, «maaraynta xisaabaha lacagta» aaya laga sameeyay Bangiga Talyaaniga - faraca Muqdisho.

Maamulkeedana waxaa iska leh oo bixinayo Xafiiska ku xusan qodobka 1.

#### **Qod. 3**

Bangiga Talyaaniga - Laanta Muqdisho - waxaa loo wakiilan karaa ama loo idman karaa howlo kormeer ah oo ku saabsan u hogaansanaanta shuruucda lacagta.

#### **Qod. 4**

Laanta Muqdisho ee Bankiga Talyaaniga waxay awood u leedahay inay soo iibsato siina iibiso lacagaha qalaad, deynta iyo dammaanadaha ay leeyihii oo ay wakiil ka tahay Xafiiska Sarrifka Lacagaha Qalaad iyo Ganacsiga Dibadda.

Laanta kor lagu sheegay waxay sidoo kale magacaabi kartaa wakiiladeeda Bangiyada ama laamaha Bangiyada ka howlgala Soomaaliya, iyaga oo awood u siinaya inay fuliyaan howlaha lagu sheegay faqradda koowaad.

#### **Qod. 5**

Qodobbada 8aad iyo 9aad ee Baaqa lamba. 4 ee 1949 ee Maamulkii Ingiriiska ee joogsaday iyo tixraac kasta oo ku dhix qornaa dhulalka lagu liis gareeyay waa la tirtiray.

Waxaa kaloo la tirtiray Qodob hoosaadka (2) xarfaha a) iyo b) qodobka 6 iyo qodob hoosaadka (3) ee qodobka 7 ee isla Baaqa.

#### **Qod. 6**

Tixraacyada ku jira Baaqaa kor ku xusan ee lamba. 4 ee 1949 waa in loo fahmaa sida hoos lagu muujiyey:

- Maamulaha Maaliyadda iyo Xisaabaadka; Xafiiska Lacagaha Qalaad iyo Ganacsiga Dibadda;
- Bangiga Barclays (Dominion, Colonial and Overseas) ee Muqdisho: Bangiga Talyaaniga ee Muqdisho iyo Bangiyada ama laamaha Bangiyada ay iyagu idmaan;
- Wakiilka Gobolka iyo Wakiilka Degmada: oo siday u kala horreeyaan ah Gobolkaa iyo Degmada;
- 100 Shilinka Bariga Afrika = 100 Soomaali ah.

**Qod. 7**

Ilaa iyo inta laga dhameystirayo howlaha sarifka lacagaha ee ku xusan Xeer nambar. 17ka Maayo 16, 1950, shilinka Bariga Afrika iyo lacagta Liiraha ee Talyaanigu waxay kuxiran yihiin qodobada dhaqan galka ah ee ku saabsan jaangooynta sicirka sarrifka ee ku xaddidan macaamilka dalalka shisheeye.

Taariikhda aan soo sheegnay kadib, E.A. shilling iyo Talyaani Lira waxaa saameyn doonaa isla qodobbada isku mid ah iyo dhammaanba wax kasta iyo saameyn kasta.

**Qod. 8**

Qaraarrada ku xiga, waxaa la soo saari doonaa qodobo xeer sharci ah waxaana la bixin doonaa tilmaamaha lagama maarmaanka u ah fulinta Amarkan.

**Qod. 9**

Xeerkani wuxuu dhaqan gelayaan maalinta lagu daabaco Faafinta Rasmiga ah.

Muqdisho, 8 Juun, 1950.

Maamulka

**Fornari**